

達縛上其建反此云樂神亦譯云食香神別譯云軋闍婆

聖者不得上生故作是說問彼對佛前作違理語世尊何故不訶制之答佛知彼言雖復違理而不障道故不訶制後入法性自當解了恐彼羞耻故不訶之有說欲界經生聖者亦有得生色無色界問若尔增壹經說當云何通如說有五補特伽羅乃至廣說答聖者

有二種一有雜乱有移轉二無雜乱無移轉有雜乱有移轉者應知如帝問經說無雜乱無移轉者應知如增壹經說由斯理趣二說善通評曰若在欲界經生聖者定不復生色無色界所以者何若在欲界經生聖者必無三事一者不退二者不轉根三者不生色無色界聖道久住彼相續中極堅牢故恐上二界有長時苦同欲界故

十業

說一切有部發智大毗婆沙論卷第五十三 節三
炷燈音注霜霰下音蕭稼穡下音稼柳絮下音柳花
毳音毛毼音布門闥下音門譏誚上音居反責反音責誚下音誚曰下音曰健

阿毗達磨大毗婆沙論卷第五十四 節四

五百大阿羅漢等造 三藏法師玄奘奉 詔譯

結蘊第二中不善納息第一之九

有五補特伽羅謂隨信行隨法行信勝解見至身證乃至廣說問何故尊者此結蘊中依五補特伽羅作論後智定蘊中依七補特伽羅作論謂於此五加慧解脫及俱解脫答是作論者意欲尔故乃至廣說復次此結蘊中依有結者而作論故不說後二智定蘊中依有智定者而作論故有結無結者俱應說之復次此結蘊中依有煩惱者而作論故不說後二智定蘊中依有智定者而作論故有煩

惱無煩惱者俱應說之復次此結蘊中以補特伽羅爲章以煩惱爲門故不說後二智定蘊中以補特伽羅爲章以智定爲門故亦說後二是故此彼依五依七補特伽羅而造於論云何隨信行補特伽羅謂有一類本來稟性多信多愛多思多樂多隨順多勝解不好思量觀察揀擇由彼稟性多信等故有時遇佛或佛弟子爲說法要教授教誡廣爲開闡無常苦空無我等義彼作是念所爲我說無常苦空無我等義甚爲善哉欲令我修如是觀行我應無倒精勤修學彼勤修學無常苦空無我等觀既淳熟已漸次引起卅第一法次復引生苦法智忍從此見道十五剎那一切皆名隨信行者此隨信行補特伽羅或是預流向或是一來向或是不還向謂若具縛或乃至斷五品結已入正性離生彼於見道十五心頃名預流向若斷六品或乃至斷八品結已入正性離生彼於見道十五心頃名

一來向若離欲染或乃至離無所有處染口入正性離生彼於見道十五心頃名不還向云何隨法行補特伽羅謂有一類本來稟性多思多量多觀察多揀擇不好信愛思樂隨順及與勝解由彼稟性多思等故有時遇佛或佛弟子爲說法要教授教誡廣爲開闡無常苦空無我等義彼作是念所爲我說無常苦空無我等義我應觀察爲實爲虛審觀察已知無顛倒復作是念甚爲善哉欲令我修如是觀行我應無倒精勤修學所餘廣說如隨信行云何信勝解補特伽羅謂隨信行得道類智捨隨信行得信勝解問彼於尔時何所捨得答捨名得名捨道得道捨名者捨隨信行名得名者得信勝解名捨道者捨見道得道者得修道此信勝解補特伽羅或是預流果或是一來向或是一來果或是不還向或是不還果或是阿羅漢向謂住預流果未勝進來名預流果若從此勝進名一來向若

卅四

一

住一來果未勝進來名一來果若從此勝進名不還向若住不還果未勝進來名不還果若從此勝進名阿羅漢向云何見至補特伽羅謂隨法行得道類智捨隨法行得見至問彼於今時何所捨得捨名得名捨道得道捨名者捨隨法行名得名者得見至名捨道

者捨見道得道者得修道此見至補特伽羅或是預流果乃至或是阿羅漢向如信勝解應說其相云何身證補特伽羅謂信勝解或見至以身具證八解脫未以慧盡諸漏彼捨信勝解或見至得身證問彼於今時何所捨得外國諸師作如是說捨名得名捨道得道

捨名者捨信勝解或見至名得名者得身證名捨道者捨信勝解或見至道得道者得身證道迦濕彌羅國諸論師言此捨名得名非捨道得道信勝解等得滅定時不捨不得無漏道故云何慧解脫補特伽羅謂信勝解或見至但以慧盡諸漏未以身具證八解脫彼

節四

三

捨信勝解或見至得慧解脫問彼於今時何所捨得捨名得名捨道得道捨名者捨信勝解或見至名得名者得慧解脫名捨道者捨修道得道者得無學道云何俱解脫補特伽羅謂慧解脫或見至或身證以身具證八解脫亦以慧盡諸漏彼捨慧解脫或見至或

身證得俱解脫若先得阿羅漢果後得滅定彼捨慧解脫得俱解脫但捨名得名非捨道得道如捨信勝解等得身證說若先得滅定後得阿羅漢果彼捨身證得俱解脫捨名得名捨道得道捨名者捨身證得名者得俱解脫名捨道者捨修道得道者得無學道若

諸菩薩證得無上正等菩提彼盡智時捨見至得俱解脫捨名得名捨道得道捨名者捨見至名菩薩修位名見至故得名者得俱解脫名諸佛皆是俱解脫故捨道者捨修道得道者得無學道西方師說菩薩學位先起滅定後得菩提彼捨身證得俱解脫迦濕彌羅

國諸論師言三十四念得菩提故菩薩學位未起滅定故盡智時定捨見至得俱解脫必無鈍根未得滅定得盡智時成俱解脫故無捨信勝解得俱解脫者

問何故名俱解脫答障有二分一煩惱障二解脫障於二分障心解脫故名俱解脫問若

先得阿羅漢果後得滅定者彼於解脫障何等心得盡智時已解脫故評曰應作是說有漏無漏俱得解脫所以者何解脫有二種一者行世解脫二者在身解脫彼未得滅定時入出定心不得行世不行世故不得在身若得

滅定入出定心行世在身故名解脫是故有漏無漏二心俱得解脫如俱解脫依義立名前五立名亦應依義問何故名隨信行答由彼依信隨信行故名隨信行謂依有漏信隨無漏信行依有縛信隨解脫信行依有繫信隨離繫信行由信為先得入聖道如是種類

節四

四

補特伽羅從本以來性多信故若聞他勸汝應務農以自存活彼不思察我為應作為不應作我為能作為不能作為有宜便為無宜便聞已便作或聞他勸汝應商估或應事王或應習學書筭印等種種伎藝以自存活亦不思察廣說乃至聞已便作或聞他勸汝應

出家亦不思察為應出家不應出家為能出家不能出家為能持戒不能持戒為有宜便為無宜便聞他勸已即便出家既出家已若聞他勸汝應誦習彼不思察為應誦習不應誦習為能誦習不能誦習為有宜便為無宜便為素怛纜為毗奈耶為阿毗達磨聞他勸已即便誦習或聞他勸管理僧事亦不思察我為應作為不應作我為能作為不能作為有宜便為無宜便聞已便作或聞他勸任阿練若亦不思察我為應任為不應任我為能任為不能任為有宜便為無宜便聞已便任彼漸次修聖道加行展轉引起世第一法無

間引生苦法智忍從此見道十五利那名隨
信行問何故名隨法行若由彼依法隨法行
故名隨法行謂依有漏法隨無漏法行依有
縛法隨解脫法行依有繫法隨離繫法行由
慧為先得入聖道如是種類補特伽羅從本
以來性多慧故若聞他勸汝應務農以自存

節四

五

活彼便思察我為應作為不應作我為能作
為不能作為有宜便為無宜便審思察已然
後作之餘廣如前隨信行說彼漸次修聖道
加行展轉引起世第一法無間引生苦法智
忍從此見道十五利那名隨法行問隨信行
者如有介所信亦有介所慧隨法行者如有
介所慧亦有介所信何故一名隨信行一名
隨法行耶答或但信他展轉修行而入聖道
或自思察展轉修行而入聖道若但信他展
轉修行入聖道者名隨信行若自思察展轉
修行入聖道者名隨法行復次或由因力加
行力不放逸力皆不廣大而入聖道或由三

力皆悉廣大而入聖道若由三力皆不廣大
入聖道者名隨信行若由三力皆悉廣大入
聖道者名隨法行復次或由止行而入聖道
或由觀行而入聖道若由止行入聖道者名
隨信行若由觀行入聖道者名隨法行復次
或樂奢摩他或樂毗舍舍那樂奢摩他者名
隨信行樂毗舍舍那名隨法行如樂喜欲亦
介復次或由止為先而入聖道或由觀為先
而入聖道若由止為先入聖道者名隨信行
若由觀為先入聖道者名隨法行復次或有
奢摩他增或有毗鉢舍那增奢摩他增者名
隨信行毗鉢舍那增者名隨法行復次或由
止熏心依觀得解脫或由觀熏心依止得解
脫若由止熏心依觀得解脫者名隨信行若
由觀熏心依止得解脫者名隨法行復次或
有鈍根或有利根若鈍根者名隨信行若利
根者名隨法行復次或有說智或有開智有
說智者名隨信行有開智者名隨法行復次

或由緣力而入聖道或由因力而入聖道若
 由緣力入聖道者名隨信行若由因力入聖
 道者名隨法行復次或得增上心奢摩他非
 增上慧毗鉢舍那或得增上慧毗鉢舍那非
 增上心奢摩他前名隨信行後名隨法行復
 次如世尊說二因二緣能生正見一外聞他

節四

六

法音二內如理作意若外聞他法音多者名
 隨信行若內如理作意多者名隨法行復次
 如契經說人有四法多有所作一親近善士
 二聽聞正法三如理作意四法隨法行若親
 近善士聽聞正法多者名隨信行若如理作
 意法隨法行多者名隨法行復次或有多住

無貪善根或有多住無癡善根多住無貪善
 根者名隨信行多住無癡善根者名隨法行
 復次或有外信有情或有內思正法外信有
 情者名隨信行內思正法者名隨法行問何
 故名信勝解答由彼依信得信勝解故名信
 勝解謂依見道所攝信得修道所攝信勝解

依向道所攝信得果道所攝信勝解復次由
 彼補特伽羅以信為先心脫三結是故名信
 勝解問何故名見至答由彼依見得至於見
 故名見至謂依見道所攝見得至修道所攝
 見依向道所攝見得至果道所攝見復次由
 彼補特伽羅以見為先心脫三結是故名見

至問信勝解亦應名信至見至亦應名見勝
 解何故一名信勝解一名見至耶答如信勝
 解名信勝解見至亦應名見勝解如見至名
 見至信勝解亦應名信至而不尔者欲現異
 相異門脫法令諸智者愛樂受持不相雜乱
 問何故名身證答由彼以身證入解脫未以

節四

七

慧盡諸漏故名身證問何故名慧解脫答由
 彼以慧盡諸漏未以身證入解脫故名慧解
 脫俱解脫名如前已釋

問如見道中依利鈍別建立二種補特伽羅
 謂隨信行及隨法行修道中亦依利鈍別建
 立二種補特伽羅謂信勝解及見至何故無

學道中不依利鈍別建立二種補特伽羅而
摠說一或慧解脫或俱解脫耶答欲界乃至
無所有處或有漏道為斷對治或無漏道為
斷對治若非想非非想處唯無漏道為斷對
治故摠立一補特伽羅復次前位或有貪多
行者或有不者若離非想非非想處染時身
等無貪故摠立一補特伽羅復次前位或有
癡多行者或有不者若離非想非非想處染
時身等無癡故摠立一補特伽羅復次前位
或有慢多行者或有不者若離非想非非想
處染時身等無慢故摠立一補特伽羅復次
以無學位解脫平等故摠立一補特伽羅如

契經說如來解脫與阿羅漢苾芻解脫等無
差別復次以無學位同剪三界煩惱重譬同
截有頂煩惱頸首同越三界後有關津同弃
三界所有愛欲故摠立一補特伽羅有作是
說無學位中亦有二種補特伽羅謂時解脫
不時解脫問若亦唯應建立二種補特伽羅

謂鈍及利或應立六補特伽羅謂見修無學
位各有二種即隨信行乃至第六不時解脫
如何立七補特伽羅答由五縛故建立十種
一由加行故二由根故三由定故四由解脫
故五由定及解脫故由加行故者謂隨信行
及隨法行由根故者謂信勝解及見至由定
故者謂身證由解脫故者謂慧解脫由定及
解脫故者謂俱解脫

隨信行者或應說一謂七種中名隨信作或
應說三謂由根故即下中上或應說五謂由
種姓故即退法乃至堪達或應說十五謂由
道故即苦法智忍乃至道類智忍位或應說

卽四

八

七十三謂由離染故即欲界具縛離一品乃
至九品染為十離初靜慮一品乃至九品染
為九欲界第十即初靜慮具縛者故不別說
後類應知乃至離無所有處一品乃至九品
染為九合七十三或應說六百五十七謂由
所依故即三洲六欲天所依各有前說七十

三種若以根種姓道離染所依二合三合四合五合其數增長如理應思若以在身刹那分拏應說無量隨信行者此中惣說一隨信行如隨信行數隨法行亦亦根道離染所依等故唯種性別以隨法行唯是不動種性攝故信勝解者或應說一謂七種中名信勝解或應說三謂由根故或應說五謂由種性故或應說八十一謂由離染故即欲界具縛離一品乃至九品染為十離初靜慮乃至無所有處各一品乃至九品染為六十三離非想非非想處一品乃至八品染為八合八十一有說離染故應說八十二謂前說八十一加離有頂第九品染無間道時或應說四百五謂由所依故即欲界所依有八十一初靜慮所依有七十二第二靜慮所依有六十三第三靜慮所依有五十四第四靜慮所依有四十五空無邊處所依有三十六識無邊處所依有二十七無所有處所依有十八非想非

節四

九

非想處所依有九謂彼具縛及離一品乃至八品染為九合四百五有說此應說四百一十四謂欲界所依有八十二初靜慮所依有七十三第二靜慮所依有六十四第三靜慮所依有五十五第四靜慮所依有四十六空無邊處所依有三十七識無邊處所依有二十八無所有處所依有十九非想非非想處所依有十謂彼具縛及離一品乃至八品染為九離第九品無間道時為彼第十此依九地所依分別若依二十九處所依分別其數多少如理應思以根種性離染所依二三四合數更增廣若以在身刹那分析應說無量信勝解者此中惣說一信勝解如信勝解見至亦亦根及離染所依等故唯種性別以諸見至唯是不動種性攝故身證者或應說一謂七種中名身證或應說三謂由根故或應說六謂由種性故即退法乃至不動法或應說九謂由離染故即非想非非想處具縛反

離一品乃至八品染為九復有說者此應說
十謂即前九加離第九無間道時為彼第十
或應說二十七謂由所依故欲界所依有九
色界所依有九無色界所依有九此唯非想
非非想處非三無色得滅定者不生彼故有
說此應說三十謂三界各加第九無間道時

此依三界所依分別若依地處所依分別其
數多少如理應思以根種性離染所依二三
四合數更增廣若以在身刹那分并有無量
身證者此中摠說為一身證慧解脫者或應
說一謂七種中名慧解脫或應說三謂由根
故或應說六謂由種性故或應說九謂由所

依故即欲界乃至非想非非想處所依此依
九地所依分別若依二十九處所依分別成
一十九若以根種性所依二三合數如理應
思若以在身刹那分析即有無量慧解脫者
此中摠說一慧解脫如慧解脫數俱解脫亦
亦有差別者謂彼所依以俱解脫不在下三

節四

十

無色處故

此五補特伽羅於三結乃至九十八隨眠幾
成就幾不成就此中尊者以補特伽羅為章
以諸煩惱為門故作斯問答隨信行於三結
苦類智未已生皆成就苦類智已生二成就
一不成就二成就者謂戒禁取疑彼通三界
二四部故一不成就者謂薩迦耶見彼惟通
三界見苦所斷故於三不善根未離欲染皆
成就已離欲染皆不成就此三惟是欲界繫
故已離欲染者彼異生位先已離故後准應
知於三漏未離欲染皆成就已離欲染二成
就一不成就二成就者謂有漏無明漏一不
成就者謂欲漏於四瀑流輒取未離欲染皆
成就已離欲染三成就一不成就三成就者
謂有見無明瀑流輒見戒禁我語取一不成
就者謂欲瀑流輒取於四身繫未離欲染皆
成就已離欲染二成就二不成就二成就者
謂戒禁取此實執身繫二不成就者謂貪欲

瞋恚身繫於五蓋未離欲染道法智未已生
 皆成就道法智已生四成就一不成就已離
 欲染皆不成就五蓋惟是欲界繫故四成就
 者謂前四蓋一不成就者謂疑蓋道法智已
 生彼已斷故於五結未離欲染皆成就已離
 欲染二成就三不成就二成就者謂貪慢結

節四

十一

通三界繫故三不成就者謂瞋嫉慳結惟欲
 界繫故於五順下分結未離欲染苦類智未
 已生皆成就苦類智已生四成就一不成就
 四成就者謂初後各二一不成就者謂有身
 見已離欲染苦類智未已生三成就二不成
 就三成就者謂後三二不成就者謂初二苦
 類智已生二成就三不成就二成就者謂後
 二三不成就者謂初三於五順上分結未離
 色染皆成就已離色染四成就一不成就四
 成就者謂除色貪一不成就者謂色貪於五
 見苦類智未已生皆成就苦類智已生三成
 就二不成就三成就者謂後三二不成就者

謂初二於六愛身未離欲染皆成就已離欲
 染未離梵世染四成就二不成就四成就者
 謂初後各二二不成就者謂鼻舌觸所生愛
 身已離梵世染一成就五不成就一成就者
 謂第六五不成就者謂前五於七隨眠未離
 欲染皆成就已離欲染五成就二不成就五
 成就者謂有貪等五二不成就者謂欲貪瞋
 恚於九結未離欲染皆成就已離欲染六成
 就三不成就六成就者謂愛等六三不成就
 者謂恚嫉慳於九十八隨眠未離欲染苦法
 智未已生皆成就者謂具縛者苦法智忍時
 一切隨眠無不成就餘廣說如木論問何故
 不說道類智已生耶答彼若已生非隨信行
 是故不說如隨信行隨法行亦亦此二地道
 離染所依若定若生無不皆等惟根有異謂
 鈍根者名隨信行利根者名隨法行故信勝
 解於三結皆不成就彼惟見所斷故於三不
 善根未離欲染皆成就已離欲染皆不成就

彼惟欲界繫故未離欲染者謂預流果一來
向一來果不還向已離欲染者謂不還果阿
羅漢向彼或異生位已離欲染或至聖位方
離欲染後准應知於三漏未離欲染皆成就
已離欲染二成就一不成就二成就者謂有
漏無明漏一不成就者謂欲漏於四瀑流軛

節四

十二

未離欲染三成就一不成就三成就者謂欲
有無明瀑流軛一不成就者謂見瀑流軛已
離欲染二成就二不成就者謂有無
明瀑流軛二不成就者謂欲見瀑流軛於四
取未離欲染二成就二不成就者謂
欲我語取二不成就者謂見戒禁取已離欲

染一成就三不成就一成就者謂後一三不
成就者謂前三於四身繫未離欲染二成就
二不成就二成就者謂前二二不成就者謂
後二已離欲染皆不成就前二惟欲界繫後
二惟見所斷故於五蓋未離欲染四成就一
不成就四成就者謂前四一不成就者謂後

一已離欲染皆不成就前四後一皆欲界繫
故於五結未離欲染皆成就已離欲染二成
就三不成就二成就者謂貪慢結三不成就
者謂瞋嫉慳於五順下分結未離欲染二成
就三不成就二成就者謂前二三不成就者
謂後三已離欲染皆不成就前二欲界繫後

三見所斷故於五順上分結未離色染皆成
就已離色染四成就一不成就四成就者謂
除色貪一不成就者謂色貪於五見皆不成
就彼惟見所斷故於六愛身未離欲染皆成
就已離欲染未離梵世染四成就二不成就
四成就者謂初後各二二不成就者謂中間

節四

十三

二已離梵世染一成就五不成就一成就者
謂後一五不成就者謂前五於七隨眠未離
欲染五成就二不成就五成就者謂欲貪瞋
恚有貪慢無明二不成就者謂見疑已離欲
染三成就四不成就三成就者謂有貪慢無
明四不成就者謂餘四於九結未離欲染六

成就三不成就六成就者謂愛恚慢無明嫉
 慳結三不成就者謂愛取疑結已離欲染三
 成就六不成就三成就者謂愛慢無明六不
 成就者謂餘六於九十八隨眠未離欲染十
 成就八十八不成就十成就者謂三界修所
 斷八十八不成就者謂三界見所斷已離欲
 染未離色染六成就九十二不成就六成就
 者謂色無色界修所斷九十二不成就者謂
 三界見所斷及欲界修所斷已離色染三成
 就九十五不成就三成就者謂無色界修所
 斷九十五不成就者謂三界見所斷及欲色
 界修所斷如信勝解見至亦亦此二地道離
 染所依若定若生無不皆等惟根有異謂鈍
 根者名信勝解利根者名見至故身證於三
 結三不善根皆不成就以三結惟見所斷故
 三不善根惟欲界繫故身證必已離三界見
 所斷及下八地修所斷故於三漏二成就一
 不成就二成就者謂有無明漏一不成就者

謂欲漏於四瀑流軛二成就二不成就二成
 就者謂有無明二不成就者謂欲見於四取
 一成就三不成就一成就者謂我語取三不
 成就者謂餘三取於四身繫及五蓋皆不成
 就前二身繫及五蓋惟欲界繫故後二身繫
 惟見所斷故於五結二成就三不成就二成
 就者謂貪慢結三不成就者謂瞋嫉慳結於
 五順下分結皆不成就前二惟欲界繫後三
 惟見所斷故於五順上分結四成就一不成
 就一不成就者謂色貪四成就者謂餘四於
 五見皆不成就於見所斷久已離故於六愛
 身一成就五不成就一成就者謂第六五不
 成就者謂前五於七隨眠三成就四不成就
 三成就者謂有貪慢無明四不成就者謂餘
 四於九結三成就六不成就三成就者謂愛
 慢無明六不成就者謂餘六於九十八隨眠
 三成就九十五不成就三成就者謂無色界
 修所斷九十五不成就者謂三界見所斷及

節四

十四

欲色界修所斷

問頗有聖者成就九十八隨眠耶答有謂具縛者入正性離生任苦法智忍時問頗有聖者已斷八十八隨眠未斷十隨眠而未得果耶答有謂已離色染入正性離生任滅類智時彼欲界三十六隨眠色界三十一隨眠無

色界見苦集滅所斷二十一隨眠已斷未斷無色界見道所斷七及修所斷三隨眠而未得果任向道故問頗有已斷九十八隨眠而未得阿羅漢果耶答有謂已離無所有處染未離非想非非想處染彼已斷欲界三十六隨眠色界三十一隨眠下三無色三十一隨

眠而未得阿羅漢果彼或是異生或是不還者故評曰彼不應作是說九十八隨眠依界建立不依地故由此彼問應答言無

說一切有部發智大毗婆沙論卷第五十四 節四
心頃下頰反開闡下昌反素怛纜下郎淡反練若此云契經

十五末

下汝者反此頰居頰反云寂靜處

阿毗達磨大毗婆沙論卷第五十五

節五

五百大阿羅漢等造 三藏法師玄奘奉詔譯

結蘊第二中不善納息第一之十

有身見與有身見為幾緣有身見與戒禁取乃至無色界修所斷無明隨眠為幾緣乃至無色界修所斷無明隨眠與無色界修所斷

緣

無明隨眠為幾緣無色界修所斷無明隨眠與有身見乃至無色界修所斷慢隨眠為幾緣乃至廣說問何故作此論答為止他宗顯已義故謂或有執緣無實性如譬喻者問彼師何故作此執耶答彼依契經故作是執謂契經說無明緣行彼作是言無明無異相行